

ҒАЛЛАНИ ДАВЛАТ ТОМОНИДАН СОТИБ ОЛИШДА БОЗОР НАРХЛАРИГА УТИЛАДИ



Президент Шавкат Мирзиёев ҳузурида ғаллачиликдаги ислохотларнинг энг муҳим босқичига бағишланган йиғилиш ўтказилди.

"Кўриб турибсизлар, жаҳон бозорларида озиқ-овқат нархлари кун сайин юқори суръатлар билан ўсмоқда. Бугунги кунда халқаро биржаларда 1 тонна бугдой 400 доллардан сотилмоқда ва йил бошига нисбатан 30 фоизга ошди. Бундай вазиятда нарх-наво барқарорлигини таъминлашнинг ягона тўғри йўли бу – фермерлар манфаатдорлигини таъминлаш, ҳосилдорлигини ошириш орқали бозорда тақлифни кўпайтириш ҳисобланади. Бунинг учун ғаллачиликда бозор механизмларини тўлиқ жорий этиш зарур. Биз бу ислохотларга узоқ тайёргарлик кўрдик. Барча масалаларни пухта ҳисоб-китоб қилиб, бу ишларни босқичма-босқич амалга ошириб келямиз", деди давлат раҳбари йиғилиш аввалида.

Йиғилишда ўтган йилда республика бўйича қарийб 3,5 миллион тонна ун ишлаб чиқарилгани, шундан 54 фоизи хусусий дон корхоналари ҳиссасига тўғри келгани кўрсатиб ўтилди. Давлат дон корхоналарининг тегиримон харажатлари хусусий секторга нисбатан 20-25 фоизга юқори, рентабеллик эса 2 баравар кам. Ишлар

самарасиз йўлга қўйилгани оқибатида "Ўздонмахсулот" корхоналарининг Қишлоқ хўжалиги жамғармаси олдидаги қарзи 1,8 трлн. сўмни ташкил этиб, шундан 1,1 трлн. сўми умидсиз қарз ҳисобланади. Энг ачинарлиси, давлат дон корхоналарида талон-торож қилиш ҳолатларига ҳалигача барҳам берилмаган.

"Бир сўз билан айтганда, давлат дон корхоналаридаги айни пайтдаги эскича тизим дон етиштирувчи ҳам, қайта ишловчи корхоналарга ҳам манфаат бермайпти. Шу боис қишлоқ хўжалиги ислохотларини бошлаган давримизда дон етиштиришда давлат бюрократиясини босқичма-босқич бекор қилиш ва ҳақиқий ғалла бозорини яратилиши бундан уч йил олдин эълон қилган эдик. Бугун халқимиз, фермер-деҳқонларимиз анчадан бундан кутган ушбу ислохотларимизнинг янги босқичини бошлаймиз. Қанчалик қийин бўлмасин, 1 июндан бошлаб ғаллани давлат томонидан сотиб олиш ва сотишда бозор нархларига ўтамиз. Шунингдек, фермер ва кластерлар ўзлари етиштирган ғалласини биржа савдоларига олиб чиқаришлари учун ҳам барча имкониятлар яратилади", деди Президент.

Давлат ресурслари учун сотиб олинган 1 тонна бугдой нархи ўтган йилдаги 1

миллион 550 минг сўмдан жорий йил ҳосили учун 3 миллион сўмга, яъни 2 бараварга оширилиши маълум қилинди. Қишлоқ хўжалиги жамғармаси харид қилган 1 миллион 783 минг тонна бугдой эҳтиёжга қараб ойма-ой биржага чиқарилади. Бунда июль-август ойларида биржада шакланган ўртача нархлардан келиб чиқиб, фермерларга ўртадаги ижобий фарқ ҳам тўлаб берилади. Мисол учун, август ойида 1 тонна ғалланинг биржа нархи 3,5 миллион сўм бўлса, фермерга яна 500 минг сўм тўлаб берилади.

"Вилоят ҳокимлари ва прокурорлари яхшилаб эшитиб олсин. Ўзгартирилиши баҳона қилиб, жойларда ун ишлаб чиқариш ҳажмларини камайтириб юбориш, нарх-навони асоссиз ўсишига йўл қўйишга "саботаж" деб, сиёсий баҳо берилди. Шу боис вилоят ҳокимлари ва прокурорлари дон корхоналарининг мавжуд ишлаб чиқариш ҳажмларини сақлаб қолишга "боши билан" жавоб беради", деди Президент.

Бу борада вилоят ҳокимлари, ички ишлар ва прокуратура органлари раҳбарларига ижтимоий тармоқларда чиқиш қилиб, янги ислохотларнинг мазмун-моҳияти, қандай чоралар кўрилиши ва режалари бўйича тушунтириш бериш вазифаси қўйилди.

"ҲАР ДОИМ ХАЛҚ БИЛАН БИРГАМИЗ"



Олий Мажлис Қонунчилик палатаси. Бу муҳташам бинода йилнинг турли фаслида ҳам ҳаёт қайнайдди. Шу вақтгача қанча жиддий муҳокамаю мунозаралар жараёнида қабул қилинган қонунлар ва қонун лойиҳалари, муҳим ҳужжатларга сизу биз сайлаган депутатларнинг синчков нигоҳидан ўтади.

Парламентдаги энг йирик O'zLiDeP фракцияси аъзолари ҳам ана шу қайноқ ҳаёт билан ҳамнафас, ҳамфикр. Давлат

раҳбари ташаббуси билан бошланган яна бир ажойиб анъана, яъни депутатларнинг халқ билан юзма-юз мулоқоти аллақачон катта самара бераётганига ҳаммамиз гувоҳимиз. Энди сайловчилар ҳам ўрганиб қолди: бўлар-бўлмас муаммолар юзасидан узоқ йўл босиб пойтахтдаги айрим идоралар эшигиде овораю сарсон бўлишлари деярли қамайди. Чунки ҳар ойда халқ вакиллари ўзлари сайланган оқрулларга бориб, одамлар билан учрашяпти, мунозаралар ўрганиляпти.

3-с.

НЕГА АЙНАН ЖИЗЗАХ ВИЛОЯТИ ТАБИАТИ МУҲОФАЗАГА ОЛИНДИ?

4-с.

ЧИҚИНДИ МУАММОСИ

маданий ва инсоний даражамизни белгилайдими?

5-с.

Yangi O'zbekiston taraqqiyoti uchun birlashaylik!

XXI asr

O'ZLIDEP

IJTIMOIIY-SIYOSIIY GAZETA

12-may 2022-yil 19 (965) www.21asr.uz @XXIasrofficial

МУНОСАБАТ


"XXI asr" gazetasi 2022 йил 25 март (12-сон)даги "Бошдархондаги бошбошдоқлик қачон ечим топади?" сарлавҳали мақолада кўтарилган масалалар бўйича Давлат экология қўмитаси мутахассислари иштирокида Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан келишилган ҳолда дастлаб жорий йилнинг 8 – 14 апрель кунлари "Юнусжон аҳли" МЧЖда текшириш ўтказилган эди.

СУДГА ДАЪВО АРИЗАСИ КИРИТИЛДИ

Текшириш давомида ҳақиқатан ҳам мазкур корхона ўз фаолиятини жорий йил 1 апрелдан вақтинча тўхтатган бўлиб, бунга ишлаб чиқариш хом ашёсининг етишмаслиги сабаб бўлган. Ўтказилган текшириш якунига кўра корхонага келгусида тегишли Давлат экологик экспертизасининг ижобий ҳулосасини олиши, оқова сув тозалаш иншооти куриши лозимлиги ва бошқа ҳолатлар бўйича 7 та банддан иборат бажарилиши мажбурий бўлган кўрсатмалар берилиб, ушбу кўрсатмалар бажарилмагунга қадар фаолиятини давом эттирмаглиги тўғрисида оғохлантирилган ва текшириш тугатилган. Лекин корхона мажбурий кўрсатмаларни бажармаган ҳолда давлат инспекторларининг қонуний талабларига риоя этмасдан, оқонуний фаолиятини давом эттирган.

"XXI asr" газетасининг 6 май кунги 18-сониде "Ойна" рукин остида чоп этилган "Сохта ҳужжат билан халқни алдаманг!" деб номланган мақола эълон қилинган, 7 май кунде Давлат экология қўмитаси ходимлари яна шу ҳудудга бориб, мазкур ҳолатни такрорий ўрганишди. Ўрганиш давомида ҳақиқатан ҳам Самарқанд вилояти Оқдарё тумани Бошдархон маҳалласи ҳудудидаги қичик саноат зонасида жойлашган "Юнусжон аҳли" МЧЖ томонидан соя ўсимлигини қайта ишлаш натижасида ҳосил бўлган суюқ чиқиндилар шу атрофда қовланган хандақларга ташланаётганлиги ва бунинг натижасида бадбўй ҳид таралиб, атроф-муҳит ҳолатига салбий таъсир кўрсатаётганлиги аниқланди.

Ушбу ҳолат бўйича, корхона раҳбари-



га нисбатан МЧЖКнинг 65-моддаси 4-қисми билан тегишли тартибда маъмурий баённома расмийлаштирилиб, Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил хабардор этилди.

Қонунга мувофиқ Экология қўмитаси корхона фаолиятини батамом тўхтатиш ваколатига эга эмас. Корхона фаолиятини тўхтатиш фақат суд тартибиде амалга оширилади. Шунинг учун ҳозирда барча ҳужжатлар тўпланиб, тегишли тартибда судга даъво аризаси киритилди.

Шу ўринда таъкидлаб ўтиш жоизки, мамлакатимизда экологик масалаларга доир ҳар бир ҳолат Давлат экология қўмитаси томонидан жиддий назоратга олинади ва ўрганилади.

Ўзбекистон Республикаси Президентининг 2021 йил 30 декабрда имзолаган "Республикада кўкаламзорлаштириш ишларини жадаллаштириш, дарахтлар муҳофазасини янада самарали ташкил этиш чора-тадбирлари тўғрисида"ги фармонида кўра, экология соҳасидаги ҳуқуқбузарликларнинг олдини олиш мақсадида "Эконазорат" электрон тизимни ишга туширилди. Энди ушбу электрон тизим орқали экологик ҳуқуқбузарликларни тасдиқловчи фото, видео далилларни юборган шахслар ҳуқуқбузарлардан ундирилган жариманинг ўн беш фоизини олади. Экология ва атроф-муҳитга бепарқ бўлмаган барча фуқароларни фаол ҳамкорликка чорлаб қоламиз.

Давлат экология қўмитаси матбуот хизмати



ҚИРҚ УЙЛИ ОВУЛ ЭЛЛИК ЙИЛ АЗА ОЧДИ ФАРЗАНДЛАРИГА

6-с.

